

11j penumpang terima manfaat

Kerajaan negeri komited sedia perkhidmatan mobiliti percuma kepada rakyat menerusi Bas Smart Selangor

SUBANG JAYA - Hampir 11 juta penumpang menerima manfaat selepas perkhidmatan pengangkutan Bas Smart Selangor dilancar di negeri ini sejak Julai 2015.

Menteri Besar Selangor, Datuk Seri Mohamed Azmin Ali berkata, kerajaan negeri sudah menyediakan sebanyak 100 bas percuma khusus untuk rakyat di 12 kawasan PBT di negeri ini membabitkan perbelanjaan sebanyak RM42.3 juta.

Menurutnya, kerajaan negeri terus komited meningkatkan prestasi pengangkutan awam menyediakan perkhidmatan mobiliti percuma kepada rakyat dengan lebih efektif dan efisien bagi mengurangkan beban rakyat yang terpaksa berdepan kos sara hidup tinggi.

Ia sekali gus dapat menggalakkan penggunaan sistem pengangkutan awam berbanding penggunaan kenderaan persendirian.

INFO

Laluan ke-4 Bas Smart Selangor di MPSJ (SJ04):

Stesen KTM Serdang-Klinik Kesihatan-Balai Polis Seri Kembangan-Balai Bomba-Taman Kembang Sari-Taman Serdang Jaya-SMK Seri Serdang-Klinik 1 Malaysia-Masjid UPM-Mardi-Hospital Serdang-Pasar Seri Kembangan-South City Plaza-The Mines.

Fakta penggunaan Bas Smart Selangor:

- Tahun 2015 - 546,661 penumpang
- Tahun 2016 - 4,163,654 penumpang
- Tahun 2017 (sehingga 31 Ogos 2017) - 6,024,044 penumpang



Mohamed Azmin menampal pelekat pengiktirafan daripada MBOR.



Mohamed Azmin ketika menyempurnakan Majlis Pelancaran Bas Smart Selangor ke-100 di depan pintu masuk pusat beli-belah Sunway Pyramid petang semalam.

"Pelancaran Bas Smart Selangor ke-100 ini disediakan di kawasan Majlis Perbandaran Subang Jaya (MPSJ) selepas didapat loka-si ini dapat sambutan tinggi daripada rakyat.

"Apa yang membangga-kan ia turut menerima pengiktirafan sebagai Most Number of Free Shuttle Bus Services Provided By State Government oleh The Malaysia Book of Records (MBOR)," katanya.

Beliau berkata demikian selepas menyempurnakan Majlis Pelancaran Bas Smart

Selangor ke-100 di depan pintu masuk pusat beli-be-lah Sunway Pyramid di sini, petang semalam.

Dalam pada itu Mohamed Azmin berkata, beliau ada menerima teguran daripada beberapa pihak yang tidak berpuas hati apabila perkhidmatan bas itu turut digunakan warga asing.

Katanya, ada yang menghantar memorandum membantah keputusan kerajaan negeri membenarkan warga asing khususnya Bangladesh menaiki bas tersebut dan mencadangkan penumpang

menunjukkan MyKad untuk membolehkan mereka gunakan kemudahan tersebut.

"Macam mana saya nak semak dan tak mungkin boleh laksana cadangan itu kerana orang Bangladesh pun ada kad pengenalan.

"Warga asing pun menyumbang kepada pembangunan Selangor tapi dari segi statistik tak ramai guna bas percuma ini," katanya.

Sementara itu, Pengerusi Jawatankuasa Tetap Pelaburan, Perindustrian, Perdagangan dan Pengangkutan, Datuk Teng Chang Khim ber-

kata, tahun ini kerajaan negeri perkenalkan 15 laluan baharu Bas Smart Selangor menjadikan jumlah keseluruhan 30 laluan dengan jarak keseluruhan hampir 1,000 kilometer.

Katanya, kerajaan negeri memperuntukkan sebanyak RM33.53 juta manakala RM9 juta menggunakan peruntukan daripada PBT untuk menanggung kos operasi bas tersebut.

HEBAHKAN
AKTIVITI KOMUNITI ANDA
honestioh@sinarharian.com.my